



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

LXXXIII. Statutum, ut Procurator, & Assistentes Generales Ordinis Fratrum
Eremitarum Sancti Augustini eligi non possint in Generalem ante
sexennem vacationem ab officio.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

Ipsi vero Officiales Congreg. Romanæ aggregentur.

Superioribus autem Congregat. competat vendi normam præscribere.

Decretum quod Clerici Placentini Ordines suscipere nequeant nisi per decem dies in hoc Collegio Spiritualibus vacaverint Exercitiis.

Alumnis vero in concursu ad Beneficia prælatio conceditur.

suorumque successorum, profitendo erga illos eandem dependentiam & subjectionem quam ipsa Congregatio profiteretur quoad functiones sui Instituti Ordinariis locorum, ubi adsunt ejus Domus; & inter alia ipsi Julius Cardinalis & Successores, quatenus repererint Rectorem, vel alios destinatos ministerio Collegii in aliquo deficientes vel culpabiles, petere valeant a Superioribus Majoribus eorum amotionem, & aliorum subrogationem in locum amotorum: si id sine rationabili causa sibi denegaretur, illos propria auctoritate a superioritate præfata remove- re; hæcque facultas Julio Cardinali & successoribus reservata censeatur, etiam circa Alumnos, Convictores, & Ordinandos juxta formam quoad istos dictarum nostrarum Literarum. Septimo: Rector, Officiales, alique personæ Congregationis, servitio ejusdem Collegii tam in ejus aperi- tione quam progressu temporis destinandæ, non solum uniti & unitæ capiti & corpori Congrega- tionis remanere debeant, ut præfertur; sed etiam specialiter aggregati & aggregatæ sint, & esse censeantur Provinciæ Romanæ pro necessaria faciliorque communicatione inter Julium Cardi- nalem & Successores, ac Visitatorem pro tem- pore Provinciæ hujusmodi, qui verisimiliter in Urbe residebunt, ubi commode de rebus, bonum gubernium Collegii concernentibus, unâ deli- berare & agere poterunt. Octavo: Pro pro- spero regimine Collegii in eisdem spiritualibus & temporalibus liceat superioribus Majoribus Congregationis, cum scientia tamen semper, & approbatione Julii Cardinalis & successorum, re- gulas seu statum condere circa normam, seu modum vivendi, conversandi, ac sese gerendi in Collegio; illaque & illa successu temporis, quotiescumque necesse fuerit, mutare, alterare, ac variare, quæ accurate in omnibus observari debeant, perinde ac si a Nobis sigillatim appro- batæ seu approbata fuissent.

§. 4. Porro nonnullorum Romanorum Pon- tificum prædecessorum nostrarum exemplo ea- dem auctoritate Apostolica harum serie statu- imus & ordinamus, quod deinceps nemo ad ali- quem ex Sacris Ordinibus in Civitate & Diocesi Placentin. assumatur, nisi prius, (præter ea, quæ a Sacris Canonibus, & Concilii Tridentini De- cretis constituta sunt) ad minus per decem dies in Collegio præfato, postquam apertum fuerit, inclusus, spiritualibus Exercitiis vacaverit, ac de omnibus ad digne suscipiendum & rite exer- cendum Ordinem hujusmodi eruditus fuerit, & de hoc literas testimoniales Presbyterorum dictæ Congregationis Missionis ad ipsum Ordinarium detulerit, sub pena adversus contrafa- cientes suspensionis ab executione Ordinum aliter susceptorum, & alias, prout a supradic- to Alexandro Prædecessore quoad initiandos eisdem Sacris Ordinibus in Urbe, ac sex Epi- scopatibus suburbicariis, per suas pariter in for- ma Brevis die 7. Augusti 1662. expeditas lire- ras sancitum reperitur. Caterum quo tam Alumni quam Convictores Collegii præfati pro tempore existentes, etiam præmii laborum suo- rum aliquando consequendi spe excitati, eò ala- crius memoratis studiis, Sacrisque & Ecclesi- asticis disciplinis assiduam operam impendant, eosdem Alumnos & Convictores, qui per ali- quot annos in dicto Collegio laudabiliter ver- sati, studiis & disciplinis præfatis sedulo ac cum progressu incubuerint, & aliis idonei fuerint, in collatione Beneficiorum Ecclesiasticorum, quibus imminet cura animarum, ac præsertim de quibus per concursum juxta Decreta dicti Concilii Triden- tini providendum est, cæteris paribus, ac in æqua- litate suffragiorum aliis anteferri volumus & man- damus, salva ac servata in reliquis omnibus & sin- gulis, quæ præsentibus non adversantur, præfa- tarum literarum Nostrarum forma & dispositione.

§. 5. Decernentes, ipsas præsentem literas, & in eis contenta quæcumque, semper ac per- petuo firma & efficacia existere & fore, suo- que plenarios & integros effectus sortiri & obti- nere; ac illis, ad quos spectat, & pro tempore quodcumque spectabit, in omnibus & per om- nia plenissime suffragari, & ab eis respective in- concusse observari; sicque in præmissis per quo- cumque Judices ordinarios & delegatos, etiam Causarum Palatii Apostolici Auditores, ac eju- dem S. R. E. Cardinales, etiam de Latere Le- gatos, aliosve quoslibet quacumque præeminen- tia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definiiri debere; ac irritum & inane, si se- cus super his a quoquam quavis auctoritate scien- ter vel ignoranter contigerit attentari.

§. 6. Non obstantibus præmissis, ac Consti- tutionibus & Ordinationibus Apostolicis, ac, quo- ties opus sit, præfate Congregationis Missionis, aliisque quibusvis, etiam juramento, confirmatio- ne Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confir- matis, & innovatis, necnon omnibus & singulis illis, quæ in prioribus literis Nostris prædictis concessa sunt non obstat, cæterisque contrariis quibuscumque.

Datum Romæ apud Sanctam Mariam Major- em sub Annulo Piscatoris die 3. Februarii 1733. Pontificatus Nostri Anno Tertio.

F. Card. Oliverius.

Statuitur, ut Procurator Assistentes Generales Ordinis Fratrum Eremitarum Sancti Augustini eligi non possint in Generalem ante sexenna- lem vacationem ab officio.

CLEMENS PAPA XII.

Ad perpetuam rei memoriam.

§. 1. FELICI prosperoque Ordinis Fratrum Eremitarum S. Augustini, quem in præcordiis gerimus paternæ charitatis, regimini & gubernio pro pastorali nostra sollicitudine, quantum cum Do- mino possumus, salubriter prospicere, omnemque ambitus & cupiditatis occasionem ab eju- dem Ordinis Alumnis, quemadmodum in diversis aliis Reli- gionis Ordinibus provide constitutum dignoscitur, procul arcere volentes; Motu proprio, ac ex certa scientia, & matura deliberatione nostris, de- quæ Apostolicæ potestatis plenitudine, ne deinceps perpetuis futuris temporibus ille ex Fratribus dicti Ordinis, qui Procuratoris Generalis, aut aliquo quatuor Assistentium Generalium officio perfun- ctus fuerit, in Priorem Generalem ipsius Ordinis immediate, ac nisi prius ab officio hujusmodi per integrum sexennium vacaverit seu cessaverit, ullo modo eligi possit & valeat, tenore præsentium statuimus & ordinamus.

§. 2. Decernentes, easdem præsentem literas semper firmas, validas, & efficaces existere & fore, suoque plenarios & integros effectus, etiam in Ca- pitulo generali Ordinis hujusmodi proximè celebra- to, sortiri & obtinere; & ab illis, ad quos spectat & pro tempore quodcumque spectabit, in omnibus & per omnia plenissime & inviolabili- ter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, ac S. R. E. Cardina- les, etiam de Latere Legatos, judicari & defini- ri debere; ac irritum & inane, si secus super his a quoquam quavis auctoritate scien- ter vel ignoranter contigerit attentari.

Obstantium derogatio.

LXXXIII.

Dat. die 5. Febr. 1733. Pont. An. III.

Decretum.

Harum Lite- rarum perpe- tua observan- tia.

§. 3. Non

1733.
Oblatium
derogatio.

1733.

§. 3. Non obstantibus Constitutionibus & Ordinationibus Apostolicis, necnon dicti Ordinis, etiam juramento, confirmatione Apostolica, vel quavis firmitate alia roboratis statutis, slyis, usus, & consuetudinibus, etiam immemorabilibus, privilegiis quoque, indultis, & literis Apostolicis eidem Ordini, illiusque Superioribus, Procuratori, & Assistentibus Generalibus præfatis, & aliis quibusvis Fratribus & personis in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis ac ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

§. 4. Volumus autem, ut ipsarum præsentium literarum transumptis seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides ubique locorum habeatur, quæ ipsis præsentibus adhiberetur, si forent exhibitæ vel ostensæ.

Datum Romæ apud Sanctam Mariam Majorem sub Annulo Piscatoris die 5. Februarii 1733. Pontificatus Nostri Anno Tertio.

F. Card. Oliverius.

Fides Transumptorum.

LXXXIV.

Confirmatio Decreti, in nupero Capitulo Generali Fratrum Ordinis Beatæ Mariæ de Monte Carmelo editi, quo Provinciis Calabriæ citerioris & ulterioris conceditur alternativa Provincialatus, & quatuor Definitorum.

-CLEMENS PAPA XII.

Ad futuram rei memoriam.

Dat. die 19. Febr. 1733. Pont. An. III.

Exordium.

EX injuncto Nobis desuper Apostolicæ servitutis officio, votis illis, per quæ paci & quieti inter Christianos quoslibet, præsertim sub suavi Religionis jugo, Altissimo famulantes, opportune consulitur, libenter annuimus, atque favoribus prosequimur opportunis.

§. 1. Cum iraque, sicut dilectus filius modernus Prior Generalis Ordinis Fratrum Beatæ Mariæ de Monte Carmelo Nobis nuper exponi fecit, in Capitulo Generali dicti Ordinis mense Novembris anni 1731. in Alma Urbe nostra celebrato, statutum fuerit, ut in Provincia Calabriæ citerioris & ulterioris ejusdem Ordinis alternativa Provincialatus, quatuor Definitorum, & duorum Sociorum pro Capitulo Generali, pro majori quiete ipsius Provinciæ in duas distinctæ, nempe Cusentinæ & Cathacen. introduci deberet, ipse Prior Generalis alternativam hujusmodi a Nobis approbari & confirmari summopere desiderat; Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur. Nos igitur dicti moderni Prioris Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet inmodum existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium, negotiis & consultationibus Episcoporum & Regularium præpositorum, qui relationem dilecti pariter filii modernus Procuratoris Generalis Ordinis prædicti super præmissis eidem Cardinalibus factam attenderunt, & rem

Confirmatur & explicatur.

mature discusserunt, consilio, petitam alternativæ confirmationem auctoritate nostra Apostolica concedimus; nempe ut in futuro triennio, computando a Capitulo Provinciali proxime celebrando, Provincialis sit ex parte Calabriæ citerioris cum duobus Definitoribus, & uno Socio pro Capitulo Generali ex eadem parte citeriori: Reliqui vero duo Definitores, & alter Socius pro Capitulo Generali sint ex parte Calabriæ ulterioris, & Conventuum illi annexorum, ex qua pariter parte erit Socius Provincialis ad Provinciam visitandam; In subsequenti autem triennio Provincialis viceversa ex parte Calabriæ ulterioris cum duobus Definitoribus, & uno Socio pro Capitulo Generali eligatur: sed Socius Provincialis pro visitatione sit ex parte Calabriæ citerioris; & sic deinceps per turnum sive alternativam perpetuo inviolabiliter servetur. Cæterum Priores locales imposterum ex illa parte, in qua Conventus existunt, eligantur sive instituantur. Celebratio demum Capituli Provincialis, sive Congregationis intermedia in quocumque Conventu magis commoda, & a Priore Generali vel Provinciali juxta Ordinis Constitutiones designari fieri poterit: salva tamen semper in præmissis auctoritate Congregationis eorumdem Cardinalium.

§. 2. Decernentes, easdem præsentibus literas semper firmas, validas & efficaces existere, & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, in omnibus & per omnia plenissime suffragari, & ab illis respective inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 3. Non obstantibus præmissis, ac Constitutionibus & Ordinationibus Apostolicis, necnon Ordinis, Provincialium, & Conventuum dictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 19. Februarii 1733. Pontificatus Nostri Anno Tertio.

F. Card. Oliverius.

Confirmatur Decretum Capituli Provincialis Provinciæ Sancti Eulearii, seu Aquitanæ, Tertii Ordinis Sancti Francisci, circa Electionem Custodis pro Capitulo Generali.

LXXXV.

-CLEMENS PAPA XII.

Ad futuram rei memoriam.

Dat. die 27. Febr. 1733. Pont. An. III.

§. 1. Nuper pro parte dilectorum filiorum Commissarii Generalis, Provincialis, Custodis, quatuor Definitorum, Exprovincialis, Guardianorum, & Discretorum Provinciæ Sancti Eulearii, seu Aquitanæ, Tertii Ordinis Sancti Francisci, pro Comitibus Provincialibus canonice & legitime congregatorum, Nobis expositum fuit, quod ipsi ad evitandas deinceps lites & dissensiones super Custodiari dictæ Provinciæ ediderunt Decretum tenoris sequentis, videlicet:

Preces pro obtinenda confirmatione Decreti.